



Broj: 06-04-24618-51/23  
Sarajevo, 13.07.2023.godine

## SKUPŠTINA KANTONA SARAJEVO -OVDJE-

**Predmet:** Izjašnjenje na zastupničku inicijativu zastupnice Sanela Klarić, dostavlja se

Zastupnica Sanela Klarić je dana 19.06.2023. godine u okviru tačke Dnevnog reda „Poslanička/zastupnička pitanja, inicijative i odgovori“, uputila zastupničku inicijativu, koja glasi:

“Na osnovu člana 213. Poslovnika Skupštine Kantona Sarajevo (“Službene novine Kantona Sarajevo”, br. 41/12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) upućujem inicijativu Vladi Kantona Sarajevo da organizuje okupljanje svih parova koji su se vjenčali u ratnom Sarajevu u toku agresije na Bosnu i Hercegovinu u periodu između 1992. i 1995. godine.

Obrazloženje:

Veliki broj parova u Sarajevu je tokom agresije na Bosnu i Hercegovinu odlučio okruniti svoju ljubav vjenčanjem. Oni su tim činom prkosili smrti i destrukciji te su pomagali u podizanju morala u ratnom Sarajevu. Mnogi od njih su i danas zajedno i aktivno sudjeluju u razvoju grada Sarajeva te shodno tome smatram da je važno da ih okupimo, pružimo im prostor za druženje, predstavljanje, razmjenu iskustva i time im damo na značaju.

Okupljanje parova se može organizovati sa oficijelnim dijelom u kojem će se predstaviti podaci o broju sklopljenih brakova gdje bi se okupili matičari i matičarke iz tog perioda te prezentovati izložba fotografija sa tih vjenčanja koje bi kasnije mogla koristiti kao arhivska grada. Neoficijelni dio sadržavao bi druženje uz muziku iz tog vremena i ples, uz sugestije da se okupe rok grupe koje su djelovale u Sarajevu u periodu 1992-1995. godine.”

Na pokrenutu zastupničku Inicijativu dajemo slijedeće

### IZJAŠNENJE

Ministarstvo za boračka pitanja Kantona Sarajevo vrši upravne i stručne poslove utvrđene Ustavom, zakonom i drugim propisima u oblasti ostvarivanja prava članova porodica šehida, članova porodica poginulih, umrlih i nestalih branioaca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, demobiliziranih branioaca, dobrovoljaca, organizatora otpora, veterana, ratnih vojnih zarobljenika i lica koja su kao maloljetna stupila u Oružane snage R BiH, kao lica zaslužnih u odbrambeno-oslobodilačkom ratu sa područja Kantona Sarajevo, kao i

vodenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine. održavanju manifestacija i drugih sličnih projekata.

Shodno navedenom ističemo da Ministarstvo za boračka pitanja Kantona Sarajevo nije nadležno za aktivnosti po pitanju navoda iz inicijative, niti posjeduje evidencije parova koji su se vjenčali u ratnom Sarajevu u toku agresije na Bosnu i Hercegovinu u periodu između 1992. i 1995. godine.

S poštovanjem.

Dostaviti:

- ☐ Predsjedavajućem Skupštine Kantona Sarajevo.
- Zamjenici predsjedavajućeg Skupštine Kantona Sarajevo x3.
- Službi za Skupštinske poslove Kantona Sarajevo.
- Stručnoj službi Vlade Kantona Sarajevo.
- A/a.

